



БҰЙРЫҚ

2025. 13. 10

Теміртау қаласы

ПРИКАЗ

№ 388

город Темиртау

**Теміртау қаласының
білім беру ұйымдарының
білім алушыларын ыстық тамақпен
қамтамасыз ету туралы**

Қазақстан Республикасының 2007 жылғы 27 шілдедегі «Білім туралы» Заңына, Қазақстан Республикасы Үкіметінің 2012 жылғы 12 наурыздағы №320 қаулысымен бекітілген «Әлеуметтік көмек көрсетілетін азаматтарға әлеуметтік көмектің мөлшерін, көздерін, түрлерін және оны беру қағидаларына», Қазақстан Республикасы Үкіметінің 2008 жылғы 25 қаңтардағы №64 қаулысымен бекітілген «Білім беру ұйымдарының мемлекеттік атаулы әлеуметтік көмек алуға құқығы бар отбасылардан, сондай-ақ мемлекеттік атаулы әлеуметтік көмек алмайтын, жан басына шаққандағы табысы ең төменгі күнкөріс деңгейінің шамасынан төмен отбасылардан шыққан білім алушылары мен тәрбиеленушілеріне және жетім балаларға, ата-анасының қамқорлығынсыз қалып, отбасыларда тұратын балаларға, төтенше жағдайлардың салдарынан шұғыл жәрдемді талап ететін отбасылардан шыққан балаларға және өзге де санаттағы білім алушылар мен тәрбиеленушілерге қаржылай және материалдық көмек көрсетуге арналған қаражатты қалыптастыру, бағыттау және бөлу қағидаларына», Қазақстан Республикасы Білім және ғылым министрінің 2018 жылғы 31 қазандағы №598 бұйрығымен бекітілген «Орта білім беру ұйымдарында білім алушыларды тамақтандыруды ұйымдастыру, сондай-ақ мектепке дейінгі ұйымдарда, жетім балалар мен ата-анасының қамқорлығынсыз қалған балаларға арналған білім беру ұйымдарында тәрбиеленетін және білім алатын балаларды тамақтандыруды қамтамасыз етумен байланысты тауарларды сатып алу қағидаларына», Қазақстан Республикасы Денсаулық сақтау министрінің 2020 жылғы 21 желтоқсандағы №ҚР ДСМ-302/2020 бұйрығымен бекітілген «Денсаулық сақтау және білім беру ұйымдарында тамақтану стандарттарына», Қарағанды облыстық мәслихатының 2024 жылғы 12 желтоқсандағы XX сессиясының «2025–2027 жылдарға арналған облыстық бюджет туралы» №234 шешіміне, Қарағанды облысы білім басқармасының 2025 жылғы 8 қазандағы №587 «Қарағанды облысы білім беру ұйымдарының оқушыларын ыстық тамақпен қамтамасыз ету туралы» бұйрығына сәйкес **БҰЙЫРАМЫН:**

1. Білім ұйымдарына:

1.1 Қарағанды облысының орта білім беру ұйымдарының асханаларында «Қарағанды облысының денсаулық сақтау басқармасы» мемлекеттік мекемесінің 2025 жылғы 1 қазандағы №618-Ө бұйрығына сәйкес бекітілген маусымдық төрт апталық перспективалық мәзірді қолдана отырып, оқушыларды ыстық тамақпен қамтамасыз ету ұйымдастырылсын.

1.2 Перспективалық мәзірге сәйкес білім беру ұйымдарының басшылары күн сайын алдағы күнге арналған мәзірді бекітіп, оны асханада және «Дұрыс тамақтану бұрышы» аймағында дұрыс, теңдестірілген тамақтану туралы ақпаратпен бірге орналастыруға, сондай-ақ мәзір мен тағамдардың фотосуреттерін мектептің интернет-ресурсындағы «Мектептік тамақтандыру» айдары мен Bilimal платформасында жариялауға міндетті. Сонымен қатар білім беру ұйымдары ыстық тамақтың сапасына жүйелі түрде мониторинг жүргізуді және осы бағыттағы барлық ақпараттың ашықтығын қамтамасыз етсін.

1.3 «Жалпы білім беретін мектептердегі білім алушылар мен тәрбиеленушілердің жекелеген санаттарын тегін және жеңілдікпен тамақтандыруды ұсыну» мемлекеттік қызмет көрсету қағидасына сәйкес: 1-4 сынып оқушылары және әлеуметтік қорғалмаған отбасылардан, жетім балалар мен ата-анасының қамқорлығынсыз қалған 5-11 сынып оқушылары тегін тамақпен қамтамасыз етілсін.

1.4 Білім беру ұйымдары тегін тамақ алған оқушыларды есепке алу үшін аппараттық-бағдарламалық фиксация және есеп беру функциясын толық қамтамасыз етіп, ақпаратты автоматты түрде «Әлеуметтік әмиян» ақпараттық жүйесіне жолдасын. Бұл процесс білім беру саласындағы цифрландыру объектілеріне қойылатын минималды талаптарға сәйкес жүзеге асырылсын (ҚР Оқу-ағарту министрінің 2022 жылғы 14 қарашадағы №456 бұйрығы).

1.5 Орта білім беру ұйымдарында тамақтандыруды ұйымдастыруға жауапты тұлға бұйрықпен бекітілсін. Бұл тұлға 1-4 және 5-11 сынып оқушыларына арналған тегін және жеңілдікпен тамақтандыруды ұйымдастыру барысында «Әлеуметтік әмиян» жобасы аясында балалардың тегін тамақтануға деген құқықтарын қамтамасыз етуі тиіс. Тамақтандыру процесі толық ашықтықпен жүзеге асырылып, оқушыларды есепке алу жүйесі автоматтандырылуға тиіс. Сонымен қатар білім алушылар туралы ақпарат уақтылы енгізіліп, Ұлттық білім беру деректер қорында (ҰБДҚ) деректер тұрақты түрде жаңартылып отыруы және барлық мәліметтер жүйелі түрде бақылауға алынуы тиіс.

2. Осы бұйрықтың орындалуын қадағалау сектор меңгерушісі Сыздыкова Шолпан Ақтаевнаға жүктелсін.

**«Теміртау қаласы
білім бөлімі» ММ
басшы**



 **Х. Жаудинова**

Орын.: Ш. Сыздыкова
Тел.: 8 7213 985482